


河陰縣志

第五冊

河陰縣志卷九

學校考

自漢高祀孔子而學校崇祀之禮遂爲後世祖唐宋元明
代有褒封迄於清末遂升大祀可謂尊矣且四子六經用
以作人諸子百家屏絕勿進學術之正振古無比然而政
治不唐虞人材不三代者非名實不副而利祿之途使然
歟歐風東漸新學颺起廢書院罷科舉於是鈞之律廢之
徒一變而爲鼓吹維新之士信乎風行草偃有如是矣雖
然教育之精神在誠篤不在凌厲藉非以道德爲依歸則
新學之器張與舊學之卑靡相去不能一寸而德業吹盡



者或反藉以為口實則甚矣道之忌虛憍而務真摯也河
 陰士習醇樸固無囂張之弊而新學萌芽方興未翼不能
 不策進行而圖奮起然欲收效於其終必先擇術於其始
 宗旨不純趨嚮肯矣吾未見皮毛歐化果愈乎迂朽之腐
 儒也於尊孔愛國之道果何裨乎職教育者其三思之考

學校

廟制

孔子廟在縣治南儒教起鳳二街之中明洪武三年知縣
 劉茂創建於治九年知縣楊源正德七年知縣蔡榮修始
 九年知縣楊應友嘉靖三十七年知縣周子德崇禎二十

七年知縣蔡道克續修歲久發廢清康熙四十年知縣范為

憲重修於二十一年知縣冬鶴二十四年知縣由貴縣續修於

建西廡中嘉慶二十四年知縣蔡鑾登教諭張際燾咸豐八

年知縣王世相教諭于錫榮光緒十六年知縣談國政教

諭徐綱續修神有 民國四年知事胡奎補修中為大成殿

五楹楣楹懸清康熙二十三年頒御書萬世師表額雍正

三年頒御書生民未有額乾隆三年頒御書與天地參額

嘉慶三年頒御書聖集大成額道光三年頒御書聖協時

中額咸豐三年頒御書德齊懋載額同治元年頒御書聖

神天縱額光緒七年頒御書斯文在茲額宣統元年頒御

書中和位育額殿前階東有康熙御製至聖先師贊碑碑
有四配顏子曾子子思子孟子贊碑兩廡各五楹西廡之
南東爲省牲所西爲神庫各一楹前爲戟門東有嘉靖元
年禦製正孔子祀典說碑西有御製正孔子祀典說碑東爲
左右角門門外東爲名宦祠一楹西爲鄉賢祠一楹前爲
泮池再前爲櫺星門門之前東西各一門又前爲屏牆綠
垣一周若天閣然由左門而東又北達於儒學

案民國三年頒行禮制館祀孔典禮說明書謂自魯哀
公十七年立孔子廟於故宅閱千餘年未嘗出闕里至
北魏太和十三年始立孔子廟堂於京師唐貞觀四年

始詔州縣學皆作孔子廟孔子廟之名始見於史記孔子世家及闕里志漢元嘉二年詔此外或曰仲尼廟孔子廟宣尼廟孔父廟孔顏廟孔聖廟文宣王廟宣聖廟夫子廟先聖廟先師廟文廟明永樂八年要以稱孔子廟為最古且最普徧稱文廟為最後蓋從文宣王諡而來孔子之道生民未有非一言一行之美可以節惠定諡者比明儒邱濬論之詳矣今文宣之諡既早罷廢則文廟之稱似亦不必沿明之舊

儒學殿建於明洪武三年知縣劉茂嗣是屢有修葺西為

明倫堂五楹

堂前列規矩池石器各一堂後壁東設明太祖臥碑聖朝賜書籍記清世祖臥碑三石西

嵌程子四箴前壁東西
分嵌范浚心箴二石

堂東西時習日新兩齋齋各三楹

又西有射圃廳敬一亭亭三楹

明嘉靖五年御製敬一箴並注范浚心箴程子四箴

以賜學士費弘等九年正月頒於天下學官此建亭之教始後廢程范二箴移嵌明倫堂壁敬一箴移嵌學署

諭宅在明倫堂後正房三間東西屋各一間書房一座訓

導宅在明倫堂東正房五間東西屋各三間書房一座申志

併縣後裁訓導缺教諭宅圯遂移於訓導署內又增修厨

房二間二堂五間大門一間光緒十八年教諭徐綱補修

民國元年裁缺房屋傾圯墻垣頽廢四年知事胡荃一律

重修今為縣視學辦公處

隋唐以來碑版均嵌過廳壁間

崇聖祠三楹在大成殿東周垣外康熙間知縣范為憲重

建本名啟聖祠清雍正二年追封先師五代王爵易名崇

聖忠義祠在其前節孝祠在其後各三楹

詳建置

祀典

孔子廟崇祀則以夏時春秋兩仲上丁爲致祀之日仍從

大祀

清季升大祀

其禮節服制祭品與祭天一律以四配十二

哲配饗以先賢公孫氏以下七十九人先儒公羊氏以下七十五人從祀

禮制館頒行祀孔典禮說明書一稱祀不稱釋奠說云謹案古者立學必祭先聖先師所以報本及始崇德而勸學也其禮有四曰祀曰釋奠曰釋菜曰釋幣而以祀

為正祭祭義所謂祀先賢於西學是也釋奠者設薦饌

酌奠而已無迎尸以下之事

文王世子釋菜推釋蘋藻而已

無牲牢無幣帛釋幣則徒用幣而無菜亦無牲牢

玉制疏

是釋奠釋菜釋幣皆為祀禮之畧者祀禮亡逸久不可

考釋菜之禮又亡於唐宋間學官所設惟畧存釋奠之

儀後世月朔釋菜之禮但存其名耳實與古不合故惟漢魏間尚稱祀孔子

後漢

禮儀志明帝永明二年祀聖師周公孔子牲以犬三國魏志齊王紀正紀二年以太牢祭孔子於辟雍五年七

年並以太牢祀孔子於辟雍後此雖升大祀猶未改釋奠之名也釋

奠為祀之畧實祀而以釋奠名之其名不正今奉

明令祀孔仍從大祀其禮節服制祭品當與祭天一律

典禮極爲隆重故擬稱祀不稱釋奠

大成殿內至聖先師正位南嚮東配復聖顏子回述聖孔子
後位西嚮西配宗聖曾子參亞聖孟子軻位東嚮兩序
先賢東閔子損冉子雍端木子賜仲子由卜子商有子若
皆西嚮西冉子耕宰子予冉子求言子偃顓孫子師朱子
素皆東嚮

兩廡先賢東公孫僑林放原憲南宮适商瞿漆雕開司馬
耕梁鱣冉孺伯虔冉季漆雕徒父漆雕哆公西赤任不齊
公良孺公肩定鄒單罕父黑榮旂左人郟鄭國原亢廉潔
叔仲會公西與如邾巽陳亢琴張步叔乘秦非顏噲顏何

縣亶牧皮樂正克萬章周敦頤程顥邵雍西遠瑗澹臺滅
明宓不齊公冶長公皙哀高柴樊須商澤巫馬施顏辛曹
卹公孫龍秦商顏高壤駟赤石作蜀公夏首后處奚容蒧
顏祖句并疆秦祖孫成公祖句茲燕伋樂欬狄黑孔忠公
西威顏之僕施之常申棖左丘明秦冉公明儀公都子公
孫丑張戴程頤先儒東公羊高伏勝毛亨孔安國毛萇杜
子春鄭玄諸葛亮王通韓愈胡瑗韓琦楊時謝良佐尹焞
胡安國李侂呂祖謙袁燮黃幹輔廣何基文天祥王柏劉
因陳澔方孝孺薛瑄胡居仁羅欽順呂柟劉宗周孫奇逢
黃宗羲張履祥陸隴其湯斌張伯行西穀梁赤高堂生董

仲舒劉德后蒼許慎趙岐范甯陸贄范仲淹歐陽修司馬
光游酢呂大臨羅從彥李綱張栻陸九淵陳淳真德秀蔡
沈魏了翁趙復金履祥陸秀夫許衡吳澄曹端陳獻章蔡
清王守仁呂坤黃道周王夫之陸世儀顧炎武均北上東
西嚮

案洪符孫鄢陵志云吳志不載從祀諸賢蓋以其同於
他邑耳然洙泗淵源羣深嚮往承學之士各宜究心書
之志乘以備檢閱則亦一邑之掌故也今敬補入其兩
廡位次悉從部頒圖式茲遵其例備志無遺其他禮制
皆倣此

禮制館頒行祀孔典禮說明書三改題避諱諸木主云

謹案古諱名之禮周人以諱事神於是乎始諱諱名與

諡典同出於周諱者敬避而不名諡者易名而稱行其

為用不同而其意則一故為親者諱謂之私諱為尊者

諱謂之公諱猶諡之有公諡私諡也宋徽宗以曾參等

所封犯先聖諱改封宋史禮志金章宗太和五年諭有司進

士名有犯孔子諱者避之金史禮志是為避孔子諱之始然

至清初而直省郡邑之名有孔子諱在內者猶相沿未

改雍正三年始定園丘丘字如故此外除四書五經凡

遇丘字並加邑為邱地名亦不必改易但加邑字旁讀

遇丘字並加邑為邱地名亦不必改易但加邑字旁讀

作期音蓋帝制時代臣民既以諱名爲事君之禮自當
避孔子諱以示遵孔之道實則諱非事人所宜周則有
諱而生者不相避名故衛侯名惡大夫有名惡君臣同
名春秋不非

曲禮

況今日政體改建公諡亦不適用則

公諱之典更可不相沿襲依習慣上言之即不避諱亦
無直呼孔子之名者惟廟中從祀先賢左邱明前清木
主加邑爲邱據曲禮詩書不諱臨文不諱注爲其失事
正疏引何胤云詩書謂教學時也臨文謂禮執文行事
時也因誦詩執文行事而有所諱本非孔子所許今宜
改是毋庸加邑爲邱此外木主有祀清帝廟諱而以字

稱者如先儒鄭康成缺筆者如先儒陳淳更當執廟中

不諱之例改題先儒鄭玄陳淳述聖孔伋因避孔子之

姓而題子思子尤為不典宋史度宗紀咸淳三年以顏淵曾參孔伋孟軻配享元史

祭祀志延祐三年詔以顏子曾子子思孟子配是四配之始本不稱子思蓋自元始宜一例

更正題述聖孔子或謂殿內不名若不題子思子嫌與

至聖先師孔子無別不知禮不諱嫌名况至聖先師孔

子顯然有別十二哲中如先賢冉雍冉耕冉求同姓木

主皆題先賢冉子崇聖祠中如先賢孔孟皮孔鯉同姓

木主皆題先賢孔氏未嘗嫌其無別何獨於述聖而嫌

之

崇聖祠殿內中肇聖王木金父左裕聖王祈父右詒聖王

防叔次立昌聖王伯夏次右啟聖王叔梁紇皆南嚮

先賢孔孟皮曾點孟孫氏東位西嚮顏無繇孔鯉西位東

嚮先儒東廡周輔成程珦蔡元定西嚮西廡張迪朱松東

嚮均北上

至聖先師孔子位南嚮設籩豆案一上陳爵墊一其前登

一實以太羹釧二實以和羹簋二實以稻粱簋二實以黍稷籩十有二實以鹽彙魚

棗栗榛菱芡鹿脯白豆十有二實以韭菹醯醢菁菹鹿醢

餅黑餅糗餌粉餐豚拍醢其前俎一實牛一羊一豕一又前香案一上設香

食糝食燭台二然以東配二龕西嚮西配二龕東嚮籩豆

可食祭志 卷之 學校考

香案各二每案爵墊一其前劍二簋二簋二邊八去白餅

餅粉豆八去脾析豚柏俎實羊一豕一香案上設鑪一燭

臺二東序一龕西嚮西序一龕東嚮籩豆案各六統設俎

香案東西各一每案爵墊一爵三實以酒劍一簋一實以黍簋

一實以稷籩四實以棗栗鹿脯豆四實以菁菹醢醢鐙二俎實羊一

豕一香案上設爵墊一鑪一燭臺二帛九正位二配位尊

四正位一配位爵十二殿中少西祝案一南嚮北嚮設東

尊桌一接桌一上設帛八配位二尊三配位二爵九福胙

桌一西尊桌一接桌一壺一實福酒并爵一盤一實胙肉均設

東福胙桌上凡帛皆色白

正位四配異篚十二哲東西共篚凡尊實酒承以舟疏布
冪勺具東廡每位爵一實每案盥一邊四豆四先賢案前
統設俎實羊一豕一香案二一爐一燭台二先儒案前統
設俎實羊一豕一香案上設爐一燭台二尊桌上設帛二

尊二皆先賢先儒各一虛爵六篚冪勺皆具西廡陳設同

祀孔典禮說明書四儀文器數之增損云護案唐開
禮國學釋奠尚以皇太子諸州以刺史縣以縣令至宋
紹興十年始以在京釋奠爲大祀州縣爲中祀同一祀
孔子而京外異儀非所以昭崇敬之道今宜一之元至
正儀迎神前唱闔戶送神後唱闔戶明洪武儀將行禮

起鼓三嚴然後獻官至願合大昕鼓徵之古義用拜禮

則始於洪武二十六年今並採之此外損益大都參照

前清大祀典禮惟兩廡各用少牢三先賢先儒分配不

勻今擬各省其一崇聖祠正位五位各用一太牢今擬

統設一俎上香非古也

詳見祀天儀理由書中

故去之拜下禮也

論語子罕篇子曰拜下禮也今拜乎上泰也雖違眾吾從下注臣之與君行禮者下拜然後成禮時臣驕泰故於上拜今從下禮之恭也時禮以拜下為恭

前清大祀南北郊皆拜於第二

成階上社稷拜於壇門外正中皆取拜下之義今既定

祀孔與祀天一律故擬拜位於殿門外以昭崇敬又各地方祀孔子三獻之爵如不及備玉者得代以銅

宗聖祠正位每案爵墊一其前釧二簋二籩二盞十去糗

養豆十去醢食香案上設鑪一燭臺二又前統設一俎實

牛一羊一豕一配位每案爵墊一其前簋一籩一盞四豆

四香案上設鑪一燭臺二又前東西各設一俎實羊一豕

一東尊桌接桌上設帛六尊六皆正位配爵十有八西尊

桌接桌上設帛四尊四皆正位配爵十有二兩廡每位爵

一實酒每案陳設簋盃盞豆如配位之數東西統設俎各羊

一豕一俎前香案上各設鑪一燭臺二尊桌上各設帛一

尊一虛爵三篚罍勺皆具凡鐙釧簋盃皆用銅籩盞用竹豆

用木爵正位三爵用玉餘皆用銅樂懸殿外兩階鐃鐘一

編鐘十有六在東特磬一編磬十有六皆懸以篋業東應
鼓一祝一麾一西敵一東西分列琴六瑟四簫六篴六箎
四排簫二塤二笙六搏拊二旌四節四子戚羽籥各六十
有四

迎神樂奏昭和之章辭曰大哉孔子先覺先知與天地參
萬世之師祥徵麟紘韻答金絲日月既竭乾坤清夷初獻
樂奏雝和之章辭曰永懷明德玉振金聲生民未有展也
大成俎豆于古春秋上丁清酒既載其香始升舞于咸之
舞亞獻樂奏熙和之章辭曰式禮莫愆升堂再獻嚮協鼓
鏞誠孚壘獻肅肅雍雍譽髦斯彥禮陶樂淑相觀而善舞

羽籥之舞終獻樂奏淵和之章辭曰自古在昔先民有作
皮弁祭菜於論思樂惟天牖民惟聖時若彝倫攸敘至今
木鐸舞如亞獻徹饌樂奏昌和之章辭曰先師有言祭則
受福四海饗宮疇敢不肅禮成告徹毋疏毋瀆樂所自生
中原有菽送神樂奏德和之章辭曰鳧繹峨峨洙泗洋洋
景行行止流澤無疆聿昭祀事祀事孔明以化蒸民以育
膠庠其祭儀祝儀見說明書不備載

祀孔典說明書五樂章暫仍清舊而以和爲名云謹案
清樂園丘九奏方澤八奏太廟六奏社稷七奏皆大祀
也故祀孔子仍得用六奏沿清之舊不必同祀天九奏

也宋大觀三年大晟樂府擬撰釋奠十四首皆用安字

宋史而元史樂志載祀宣聖樂章共二十有七皆用明

字其十四章全用大晟樂府明洪武六年定祀先師孔子樂六章皆用和字亦全襲大晟樂府之詞至洪武二十六年始頒大晟樂於天下今擬祀孔樂章暫仍清舊畧加點竄惟清樂以平爲名今擬悉改爲和字

縣知事每歲夏時春秋上丁日孔子廟主祀分獻以屬官或公立學校校長在城文武委任以上亦咸與祭書祝版祗割戒具陳設省齋以其屬爲之糾儀以掾屬崇聖祠正獻以屬官分獻以學校教員或地方員紳散齋二日致齋

一日祭前一日有司飭廟戶潔掃殿廡內外供張如儀正
獻官執事人入廟習儀樂舞諸生入廟習舞習吹祭之日
行禮儀節與巡按使道尹同正祭官出入殿門皆由右不
由左

申志載祭器籩八豆八登一釧一爵一簋一簋一俎一筐
一犧尊一象尊一雲雷尊一樂器編鐘十六編磬十六琴
二瑟二簫二笛二排簫二笙二壎篪二搏拊鼓一大鼓一
祝一麾幡一敔一旌節一今祭器祇存竹籩二十四鐵鑪
七而樂器止編鐘六敔一餘悉散亡

書籍

明洪武間聖朝賜書籍記通鑑綱目一部六十冊通鑑紀事

本末一部四十二冊御製行移減繁體式一冊御製申明五

常勅紙一尚書注疏一部四冊書傳會選四部二十冊春秋會通

一部六冊詩朱氏傳一部六冊周易會通一部八冊四書集編一

部八冊孟子節文四部四冊唐律疏義一部五冊朱子成書一部

六樂書一部二十冊儀禮集說一部一十冊禮書一部二十八冊

至九十三十一冊多百四十四冊真西山讀書記一部四十四冊

內文中集十一冊諸司職掌一部一冊六部職掌一冊表箋一冊禮

制集要一冊大明律一部二冊榜文集錄一冊彰善癉惡一部三冊

賞善罰惡榜一冊教諭黃階等無禮不才榜一冊監生趙麟無

志誹謗榜文冊一文公家禮一部冊二禮記注疏一部冊十禮記

集說一部冊四蔡書纂註一部冊五春秋胡傳一部冊五詩傳通

釋一部冊六周易本義一部冊四周禮一部冊二四書集成一部

冊十大學衍義一部冊六韻府羣玉一部冊十二牧民忠告冊一劉

向說苑一部冊五瘴惡錄冊一四書集註一部冊六授職到任須

知冊一各衙門奉逆臣錄二部冊十榜諭冊一貞觀政要一部冊二

瘴惡續錄冊一卧碑式紙一朔望行香儀注紙一醒貪簡要冊一申

志載書籍目云四書監本註通鑑性理四書解義易經解

義各一部二程摘要崇祀攷先師誕日確志宋代六子進稱

先賢各一本以上各書均無片紙嗣後頒發各書目錄無

河陽縣志卷之六
三
攷今查舊學署遺卷中尚存大清會典學政全書大清律
大學衍義孝經衍義御批通鑑綱目日講四書皆斷爛殘
缺不堪檢閱矣

按申志不載學額蘇志稿有之今科舉雖廢前代取士
舊制亦不容沒茲撮其大畧如左

歲考入學生員八名科試同廩額二十名增額同每三
年貢二人遇覃恩加貢一人拔貢順康雍間年限屢更
自乾隆定制後每酉年一人宣統己酉二人武生八名
樂舞生康熙四十八年設乾隆五年定每縣四十人以
三十六人樂舞餘四人備臨時更替其例童生五府縣

試由教諭訓導冊送學政錄選生員免其錄遺附案舊制歲科試入學額滿加取者為份生蓋即樂舞生也

學田

學田八段共地七十八畝五毫

申志

按學田詳見田賦自儒學裁缺歸入公款局為興學之用

學區

劃全縣之地為三區共一百五十一村以學務員三人分任勸導調查之責

中區四十八村

河陰縣志
卷之九
河陰城東關南關西關如茵東小張村西小張村東官莊
西官莊閻村王樓倪店青台前高村寺後高村寺唐崗吳
桃園張桃園前水泉後水泉趙村小馬莊大周寨小周寨
大王村李崗唐垌後馬下任莊中任莊上任莊車大溝車
莊神溝張莊山王莊唐家頂東張溝西張溝王溝馮溝寨
子峪陳溝劉溝王垌秦鋪頭蕭寨孟寨
東區五十三村

趙寨李寨插閻西南董袁莊軍楊楊寨楊拐灣寨小灣黑
李馮莊大師姑大師姑南街東蘇樓西蘇樓東董村西董
村南城城南城南街小李莊小劉莊祝莊西李莊前董莊後

董莊雙槐樹王頂大胡村西胡村小胡村高莊任店史家
灣張山東樊河西樊河薛溝洪溝楊頂霸王城張河山樊
戴莊戴溝鄭王莊曹莊桃花峪張垌陳垌廟溝南董西街
劉張

西區五十村

高村馬寨陳鋪頭段鋪頭樊鋪頭張套段套官莊峪骨頭
峪東油房西油房油房寨史坊王拐劉鋪頭張胡同紙王
康寨楊寨趙寨荆寨戚頂草廟溝牛口峪秦王寨秦樹溝
沒門溝豎河前侯村後侯村東司馬西司馬張常村韓砦
丁村西馮曹寨蘇莊蘇坡黃家台柿園溝大陳莊馬溝小

陳莊張圪塔李坡池溝楊樹溝宋溝堂溝

學務機關

興文書院在縣治東明知縣胡襄明建布政司遺址清康熙時

知縣申奇彩重建規申後改為普濟養孤二院乾隆六年

知縣郭蔚移建於東大街路南有碑存縣視學旋改為育

嬰堂今廢采訪

社學在縣西關南知縣范為憲建今廢申志

育英社在賓賓館東知縣范為憲建後旋廢申志及蘇志稿

文明書院在學宮東北清乾隆十四年知縣周之瑚創建

併縣後廢蘇志稿

東渠書院在學宮東清道光間知縣蔡鑾登就文明書院
舊址重建正房五間廂房六間群房四間大門一間東向
十五年知縣蔡鴻翥於院北增修考棚二十一年光緒四
年巡檢唐傳漁改建大門向南十六年知縣蔡國政大加
修改稱巨觀焉見東渠書院碑及蘇志稿

縣視學辦公處在舊學署清光緒三十一年改設勸學所

附高等小學堂內

置學董一人

總辦全縣學務

勸學員三人

協辦各區學務

三十

三年減一人六保勸學員十二人中華民國元年改總董

為勸學員長二年改設縣視學勸學所改稱縣視學辦公
處現設縣視學一員學務員三員書記一員經費如故

教育會在舊學署清光緒三十一年創設由地方投票選
 舉會長一人副會長一人會員無定額中華民國二年十
 二月以無經費裁免停辦三年增籌經費選舉會長副會
 長如例歲開常年會月開臨時會議全縣學務

高等小學校在縣治南門內清光緒三十年知縣曾炳章

由東渠書院改建三十二年知縣周秉彝繼續修改講堂

十自習室 二間 教員室 七間 庶務書記室 三間 寢室 十三間 夫役

室 二間 閱報室 二間 接待室 三間 廚室 五間 會舍廳 三間 悉備三十一

年正月開校三十四年甲班學生畢業四十四名宣統元

年乙班畢業三十一名民國元年丙班畢業三十六名民

國三年丁班畢業十四名四年又畢業十九名民國五年
戊班畢業一十九名設堂長一人教員四人庶務兼會計
員一人今如故經費由車馬款及地租開支常年經費一
千八百千左右由公款局撥發

模範國民學校附設高等小學校西偏民國三年十月知事胡荃創

辦講堂三間自習室三間操場均如例每歲經常費一百四十

四千在學款項下樽節動支不另籌款

國民學校清光緒三十三年六保籌設初小學十三處黃

保一車莊倉保一王拐高保四劉溝馬寨陳鋪頭樊寨董保三東蘇樓西蘇樓南城

洪保三董莊大胡村樊河金保一高村鎮三十四年增設十二處宣

統元年增至十八處二三年同其後增至三十校改革後

兵荒交迫陸續停辦民國二年開辦十一處三年增至十

八處四年四十二處增二十五年四十九處增七簡易識

字學塾清宣統二年創設四校城內宋溝蘇坡油坊二年增設二校

趙若陳鋪頭三年同民國元年以後停辦

講演團民國二年九月成立設講演員三人附屬教育會

二年十二月以無經費裁免由縣視學執行四年九月復

成立設編輯員一人宣講生四人五年裁改為二人見民賦

師範傳習所清光緒三十二年開辦畢業兩班學生九十

七名

閱報所附設縣視學辦公處四年十月成立

--	--	--	--

河陰縣志卷十

兵事考

廣武之名以楚漢之戰而著至如秦王寨建德城牛口峪則太宗覆鄭夏之所繫也自古武功莫盛漢唐是邑也咸居其衝言形勝者有資焉山川爲之增重矣其餘小小不足一呷或乃寇賊剽掠盜無足言然而每一被兵逆料父老子弟之剝腸斷脰室廬之蕩爲榛莽者安可勝數甚者無噍類即今言之猶將有餘痛也考兵事

案兵事有關考訂者如通志礪礪宋濟陽郡城字與謂即教部誤史記因城河上廣武此廣武即宋書州郡志

雁門廣武注所謂漢太原後漢晉太康地志屬雁門也
石門之名考通鑑地理今釋曲阜番禺懷遠等縣皆有
之金史徒單鎰傳回海取小湖關教倉亦與此地無涉
如是者難更僕數今欲精擇詳語故於此類尤兢兢云
春秋宣公十有二年經春楚子圍鄭左傳十二年春楚子
圍鄭三月克之退三十里而許之平經夏六月乙卯晉荀
林父帥師及楚子戰於邲左傳晉師救鄭及河聞鄭及楚
平桓子欲還彘子曰不可晉所以霸師武臣力也今失諸
侯不可謂力有敵而不從不可謂武且成師以出聞敵強
而退非夫也以中軍佐濟韓獻子謂桓子曰彘子以偏師

陷子罪大矣不如進也事之不捷惡有所分與其專罪六
人同之不猶愈乎師遂濟晉師在敖鄆之間楚子使求成
於晉晉人許之盟有日矣趙旃請召盟與魏錡皆命而往
郤獻子曰二憾往矣弗備必敗士季曰善使鞏朔韓穿帥
七覆於敖前故上軍不敗趙嬰齊使其徒先具舟於河故
敗而先濟潘黨既逐魏錡趙旃夜至楚軍席於軍門之外
使其徒入之楚子逐趙旃楚人懼王入晉軍遂出陳疾進
師車馳卒奔乘晉軍桓子不知所爲鼓於軍中曰先濟者
有賞中軍下軍爭舟舟中之指可掬也晉師右移上軍未
動隨季殿其卒而退不敗丙辰楚重至於邲遂次於衡雍

通鑑秦紀二世二年陳王使賜田臧楚令尹印以爲上將
田臧廼使諸將李歸等守滎陽自以精兵西迎秦軍於敖
倉與戰田臧死軍破章邯進擊李歸等滎陽下破之李歸
等死

通鑑漢紀高祖二年四月漢王以諸侯兵伐楚入彭城項
王令諸將擊齊自以精兵三萬人大破漢軍五月漢王至
滎陽諸敗軍皆會蕭何發關中老幼未傅者悉詣滎陽軍
復大振灌嬰李必駱甲將騎兵擊楚騎於滎陽東大破之
楚以故不能過滎陽而西漢王軍滎陽築甬道屬之河以
取敖倉粟三年楚數侵奪漢甬道漢軍乏食漢王與酈食

其謀撓楚權食其曰陛下誠能復六國後南鄉稱霸楚必
檢社而朝漢王曰善食其未行張良不可漢王令趣銷印
六月羽已破走彭越乃引兵西援滎陽烹周苛遂圍成臯
漢王逃獨與滕公出成臯王門北渡河楚拔成臯欲西漢
使兵拒之鞏令其不得西九月漢王欲捐成臯以東而屯
鞏洛以拒楚酈生曰王者以民爲天民以食爲天夫教倉
天下轉輸久矣聞其下藏粟甚多楚拔滎陽不堅守教倉
乃引而東令趙卒守教倉此天所以資漢也願急進兵收
取滎陽據教倉之粟塞成臯之險杜太行之道距蜚狐之
口守白馬之津以示諸侯形制之勢則天下知所歸矣王

從之乃復謀取教倉

史記列傳靳歙還軍教倉破項籍成臯南絕楚饗道

通鑑漢紀四年楚大司馬咎守成臯漢數挑戰楚軍不出
使人辱之數日咎怒渡兵汜水士卒半渡漢擊之大破楚
軍漢王引兵渡河復取成臯軍廣武就教倉食項去聞成
臯破乃引兵還亦軍廣武與漢王相守數月楚軍食少項
王患之乃爲高祖置太公其上告漢王曰今不急下吾烹
太公漢王曰吾與羽俱北面受命懷王約爲兄弟吾翁即
若翁必欲烹而翁幸分我一杯羹項王怒欲烹之項伯曰
天下事未可知且爲天下者不顧家雖殺之無益祇益禍

耳項王從之項王謂漢王曰天下匈匈數歲者徒以吾兩人耳願與漢王挑戰決雌雄毋徒苦天下之民父子爲也漢王笑謝曰吾寧關智不能鬪力項王三令壯士出挑戰漢有善射者樓煩輒射殺之項王怒乃被甲持戟挑戰樓煩欲射之項王瞋目叱之樓煩目不敢視手不敢發遂走還入壁不敢復出漢王使人間問之乃項王也漢王大驚於是項王乃即漢王相與臨廣武澗而語羽欲漢王獨身挑戰漢王數羽曰羽負約王我於蜀漢罪一矯殺卿子冠軍罪二救趙不還報而擅劫諸侯兵入關罪三燒秦宮室掘始皇帝冢私其財罪四殺秦降王子嬰罪五詐阮秦子

弟新安二十萬罪六王諸將善地而徙逐故王罪七出逐
義帝彭越自都之奪韓王地并王梁楚多自與罪八使人
陰殺義帝江南罪九爲政不平主約不信天下所不容大
逆無道罪十也吾以義兵從諸侯擊殘賊使刑餘罪人擊
公何苦乃與公挑戰項王大怒伏弩射中漢王漢王傷胸
王乃捫足曰虜中吾指漢王病創卧張良彊請漢王起行
勞軍以安士卒王出行軍疾甚因馳入成皋漢王疾愈西
入關留四日復如軍軍廣武八月北貉燕人來致梟騎助
漢羽自知少助食盡韓信又進兵擊楚羽患之漢遣侯生
說羽請太公羽乃與漢約中分天下割鴻溝以西爲漢以

東爲楚九月歸太公呂后引兵解而東歸

前漢書功臣表博陽嚴侯陳濞以舍人從陽以刺客將入漢以都尉擊項羽滎陽絕甬道殺追士卒侯汾陰悼侯周昌初起以職志擊秦入漢出關以內史堅守敖倉以御史大夫侯比清陽侯東武貞侯郭蒙以戶衛起薛屬周呂侯破秦軍扛里陷楊熊軍曲遇入漢爲城將定三秦以都尉堅守敖倉爲將軍破項籍侯三千戶蒯成制侯周緹以舍人從起沛至霸上入漢定三秦食邑池陽擊項籍滎陽絕甬道從度平陰遇韓信軍襄國楚漢分鴻溝以緹爲信戰不利不敢離上侯三千二百戶厭次侯爰類以慎將元年

從起留入漢以都尉守廣武功侯歷簡侯程黑以趙衛將
軍漢王三年從起盧奴擊項羽教倉下爲將軍攻臧荼有
功封千戶

新序吳楚反將軍竇嬰周亞夫據嚴倉塞成臯以破吳楚
前漢書列傳王莽地皇三年遣大將楊浚守教倉

後漢書列傳建武二年遣蓋延南擊教倉轉攻酸棗封邱
皆拔

通鑑漢紀永初四年朝歌賊數千攻殺長吏屯聚連年州
郡不能禁乃以虞詡爲朝歌長始到謁河內太守馬援援
曰君儒者當謀廟堂乃在朝歌甚爲君憂之詡曰此賊

犬羊相聚以求溫飽耳。願明府不以爲憂。稜曰：何以言之？
詔曰：朝歌背太行，臨黃河去。教倉不過百里，而青冀之民
流亡萬數，賊不知開倉招衆，劫庫兵守城，舉斷天下。右臂
此不足憂也。

三國魏志建安四年，曹公遂濟河，圍射犬薛洪。繆當率衆
降，封爲列侯，還軍教倉。

方輿紀要晉太安二年，成都王穎自鄴舉兵，內向進屯河
南，阻清水爲壘。

晉書帝紀永嘉四年，山簡、王澄、杜襲等并遣兵援京師。及
于加戰于宛，諸軍大敗。王澄獨以衆進至汴口，衆潰而歸。

晉書載記石勒乃燒船棄營引軍向柏門迎重門輜重至於石門濟河攻襄城太守崔曠於繁城以害之

通鑑晉紀成帝咸和三年趙主勒欲自將救洛陽程遐等固諫勒大怒按劍叱遐等出乃使內外戒嚴命石堪石聰桃豹等各統見衆會滎陽中山公虎進據石門勒自統步騎四萬趣金墉

太平御覽三十六國春秋姚襄南至滎陽與高昌李懸戰於麻田

方輿紀要殷浩北伐遣河南太守戴施據石門

晉書載記桓溫伐曠慕容德屯於石門絕溫糧漕

方輿紀要太和五年春三月燕慕容皝自石門進屯穀陽遂遣將梁成等擊走之

晉書載記苻堅伐晉運漕萬艘自河入石門達於汝頰

通鑑晉紀孝武帝太元九年慕容垂至洛陽翟斌勸垂稱尊號垂曰新興侯吾主也當迎歸反正耳垂以洛陽四面受敵欲取鄴而據之乃引兵而東至穀陽羣下固請上尊號垂乃稱燕王承制行事謂之統府帥衆二十餘萬自石門濟河長驅向鄴

通鑑晉紀太元十五年西燕主永引兵向洛陽朱序濟河擊敗之序追至白水會翟遼謀向洛陽序乃引兵還擊走

之留將軍朱黨等守門使其子略督護洛陽自還襄陽
通鑑晉紀安帝義熙十二年劉裕發建康遣沈林子劉遵
考將水軍出石門自汴入河沈林子自汴入河攻舍垣克
之

通鑑唐紀武德四年唐兵圍洛陽掘塹築壘而守之城
之食民食草木泥餅死者相倚於道竇建德悉發孟海公
徐圓朗之衆西救洛陽陷管州殺刺史郭士安又陷滎陽
陽翟等縣水陸並進沈舟運糧汴河西上王世充之弟徐
州行台世辯遣其將郭士衡將兵數千會之合十餘萬號
三十萬軍於成皋之東原築宮版渚遣使與王世充相聞

先是建德遣秦王世民言請還軍潼關還鄭侵地復修前
好世民集將佐議之皆請避其鋒郭孝恪曰世克窮蹙垂
將面縛建德遠來助之此天意欲兩亡之也宜據武牢之
險以拒之伺間而動破之必矣詔室暉收曰世克府庫充
實所將皆江淮精銳但乏糧食且以食之故爲我所持求
戰不得守則難久建德親率大衆遠來赴援亦當極其精
銳若縱之至此兩寇合縱轉河北之粟以饋洛陽則戰爭
方始偃兵無日混一之期殊未有涯也今宜分兵守洛陽
深溝高壘世克出兵慎勿與戰大王親率驍銳先據成皋
厲兵訓士以逸待勞決可克也建德既破世克自下不過

二旬而主就縛矣世民善之收道衡之子也蕭瑀屈突通
封德彝皆曰吾兵疲老世克憑守堅城未易猝拔建德席
勝而來銳鋒氣盛吾腹背受敵非完策也不如退保新安
以承其弊世民曰世克兵摧食盡上下離心不煩力攻可
以坐克建德新破海公將驕卒惰吾據武牢扼其咽喉彼
若冒險爭鋒吾取之甚易若狐疑不戰旬月之間世克自
潰城破兵強氣勢自倍一舉而克在此行矣若不速進賊
入武牢結城將附必不能守兩賊並力其勢必強何弊之
來吾計決矣通等又請解圍據險以觀其變世民不許中
分麾下使通等副齊王元吉圍守東都世民將驍勇三千

五百人東趨武牢正晝出兵厯北邙抵河陽趨鞏而去王
世充登城望見莫之測也竟不敢出癸未世民入武牢將
驍騎五百出武牢東二十餘里覘建德營緣道分留從騎
使李世勣緜知鄧秦叔寶將之伏於道旁纔餘四騎與之
偕進世民謂尉遲敬德曰吾執弓矢公執槊相隨雖百萬
衆若我何又曰賊見爾而還上策也去建德營三里所建
德游兵遇之以爲斥候也世民大呼曰我秦王也引弓射
之斃其一將建德軍中大驚出五六千騎逐之從者咸失
色世民曰汝弟前行吾自與敬德爲殿於是按轡徐行追
騎將至則引矢射之輒斃一人追者懼而止止而復來如

是者再三每來必有斃者世民前後殺數人故德殺十許
人追者不敢復逼世民遂巡稍却以誘之入於伏內世勣
等奮擊大破之斬首三百餘級獲其驍將殷秋石瓚以歸
乃爲書報建德諭以趙魏之地久爲我有爲足下所奪但
以淮安見禮公主得歸故相與坦懷釋怨世克項與足下
修好已嘗反覆今亡在朝夕更飾詞相誘足下乃以三軍
之衆仰哺他人千金之資坐供外費良非上策今前茅相
遇彼遽摧崩郊勞未通能無懷愧故抑止鋒銳冀聞善言
若不獲命恐雖悔難追建德迫於武牢不得進留屯累月
戰數不利將士思歸丁巳秦王世民遣王君廓將輕騎千

餘抄其糧運又破之獲其大將軍張青特凌敬言於建德曰大王悉兵濟河攻取懷州河陽使衆將守之遂鳴鼓建旗踰太行入上黨徇汾晉趣蒲津如此有三利一如入無人之境取勝可以萬全二則拓地歸衆形勢易強三則關中震駭鄭圍自解爲今之策無以易此建德將從之而王世充遣使告急相繼於道王琬長孫安世朝夕涕泣請救洛陽又陰以金玉啗建德諸將以撓其謀諸將皆言凌敬書生安知戰事其言豈可用也建德乃謝敬曰今衆心甚銳天贊我也因之決戰必將大捷不得從公言敬固爭之建德怒令扶出其妻曹氏謂建德曰祭酒之言不可違也

今大王自金口乘唐國之虛連營漸進以取山北又因突厥西抄關中唐必還師自救鄭圍何憂不解若頓兵於此老師費財欲求成功在於何日建德曰此非女子所知吾來救鄭鄭今倒懸亡在朝夕吾乃捨之而去是畏敵而棄信也不可謀者告建德曰伺唐軍芻盡牧馬於河北將襲武牢五月戊午秦王世民北濟河南臨廣武察敵形勢因留馬千餘匹牧於河渚以誘之夕還武牢己未建德果悉衆而至自板渚出牛口置陳北距大河西薄汜水南屬鵠山亘二十里鼓行而進諸將皆懼世民將數騎升高丘而望之謂諸將曰賊起山東未嘗見大敵今度險而囂是無

紀律逼城而陳有輕我志我按兵不出彼勇氣自衰陳久
卒飢勢將自退追而擊之無不克者與公等約甫過日中
必破之矣建德意輕唐軍遣三百騎涉汜水距唐營一里
所止遣使與世民相聞曰請選銳士數百與之劇世民遣
王君廓將長槊二百以應之相與交戰乍進乍退兩無勝
負各引還王琬乘隋煬帝驄馬鎧仗甚鮮迴出陳前以誇
衆世民曰彼所乘真良馬也尉遲敬德請往取之世民止
之曰豈可以一馬喪猛士敬德不從與高甌生梁建方三
騎直入其陳擒琬引其馬馳歸衆無敢當者世民召河北
馬待其至乃出戰建德列陳自辰至午士卒飢倦皆坐列

又爭飲水遠巡欲退世民命宇文士及將三百騎經建德
陳西馳而南上戒之曰賊若不動爾宜引歸動則引兵東
出士及至陳前陳果動世民曰可擊矣時河渚馬亦至乃
命出戰世民率輕騎先進大軍繼之東涉汜水直薄其陳
建德方朝謁唐騎猝來朝臣趨就建德建德召騎兵使拒
唐兵騎兵阻朝臣不得過建德揮朝臣令却進退之間唐
兵已至建德窘迫退依東陂竇抗引兵擊之戰小不利世
民帥騎赴之所向皆靡淮陽王道玄挺身陷陳直出其後
復突陳而歸再入再出飛矢集其身如蝟毛勇氣不衰人
皆應弦而仆世民給以副馬使從已於是諸軍大戰塵埃

漲天世民帥史大奈程知節秦叔寶宇文龍等捲旆而入
出其陳後張唐旗幟建德將顧見之大潰追奔三十餘里
斬首三千餘級建德中槊竄匿於牛口渚車騎將軍白士
讓楊武威逐之建德墜馬士讓援槊欲刺之建德曰勿殺
我我夏王也能富貴汝武威下擒之載以從馬來見世民
世民讓之曰我自討王世克何預汝事而來越境犯我兵
鋒建德曰今不自來恐煩遠取建德將士皆潰去俘獲五
萬人世民即日遣散之使還鄉里封德彝入賀世民笑曰
不用公言得有今日知者千慮不免一失德彝慙甚建德
妻曹氏與左僕射齊善行將數百騎遁歸洛州世民囚建

德等至洛陽城下以示世克丙寅世克素服率其太子羣臣二千餘人詣軍門降

衛將軍詩序略衛將軍名逖陽羨人神堯始建義旗逖備行列洎擒竇建德逖持挾鎗劍前突後翼太宗顧而竒之錄其功拜將軍宿衛及卒廟於荆溪之湄

通鑑唐紀憲宗元和十年李師道數上表請赦元濟上不從師道使大將將二千人趣壽春聲言助官軍實欲為元濟之援也師道素養刺客奸人數十人說師道曰用兵所急莫先糧儲今河陰院積江淮租賦請潛往焚之劫都市焚宮闕亦救蔡一竒策也師道從之攻河陰轉運院傷十

餘人燒錢帛三十餘萬緡匹穀三萬餘斛於是人情恒懼
羣臣多請罷兵上不許

平集事蹟考中和元年八月感化軍節度使支詳遣將時
溥陳璠將兵入討集二人皆詳所拔也至東都璠稱詳命還
師河陰掠鄭州而東

通鑑漢紀天福十二年契丹主以船數十艘載晉鐵仗將
自汴汭河歸其國命寧國都虞候楡次武行德將士卒千
餘人部送之至河陰

續編簡錄元順帝至正十三年妖人劉福通作亂蔓延不
可制改命答失以兵赴汝寧十月與河南左丞太不化討

安豐復舊卑所據鄭均許三州十二月獲河陰鞏縣

綏寇紀畧崇禎八年賊東圍汜水城陷攻滎陽知縣楊守

節棄城走移兵河陰入其郭燒之不克與汜水賊合又十

年總理王家禎曰鄭西之賊伏京索廣武山中伺隙逞

河南通志崇禎十二年土寇犯河陰守土者請援鄭州守

備劉崇會大敗之旋營羅厄時人為立劉將軍大捷碑

申志崇禎十四年河賊寇城縣署悉焚燬明史紀事本末中原羣盜篇云

是年二月丙寅河南土賊孟三陷河陰據十五年逆關猖

之游擊高謙攻圍七晝夜拔之斬孟三

徽邑無堅城遂屠城去
清咸豐十一年八月毫匪王懷義大舉寇境初七日圍城

河陰自省縣為鄉城久頽圯至是寇匪日迫巡檢殷萃詰
乃率民修築守具未完賊已大至初八日攻西南隅甚急
官民竭力死守城幸未破初九日黎明解圍去所過村鎮

焚燒殺傷慘無天日此次人民陣亡者五十二人

王凌川
宋光全

張書貴師雪妮秦士模周景運張振甲車廷霖及子金章
陳萬順李士醇李小孩李選朝陳穩成陳克敏張長張文

華荆凌雲張東陽趙邦傑趙逢春張玉榮任紹鳳及弟紹
文從孫新法趙萬春趙丙申趙甲反段惠趙廷喜車天德

及子中方任新寅車通任東榮車大錫任景禮任華堂高
元魁張寶魁任生坡劉寶興張明遠鄭書潤鄭年姚其書

堂李奎成劉廷彥丁忙妮
李天根李德妮任廷科
殉難者三人
劉保元丁萬
被害

者六十一人
王喜張青岐時聚元劉恒泰張合羣張培元
胡丙長王聿修張玉麟祝秀榮祝秀成祝老

瓜祝安義祝毛妮祝德成祝小毛費元陳文清趙玉璋王
文田楊得山楊中元馬獻瑞王懋張增祿蕭成來荆文淵

任興成唐鼎任廣裕胡二保任小平時石頭時三元任聚魁祝安仁李孝友楊青山樊均祝元林祝林清車元車相蓬唐丙雜楊玉印張振旅張懷曾趙清河張太恒張進祿鄭晚來曹遇庚戴五成戴可思崔丙行丁萬祥沈際兆閻天成任和妮任婦女盡節者十四人詳見列上

九月十二日張總愚股西竄過境此次人民陣亡者一人

董倉

妮

九月二十四日山東長鎗會匪宋景式李占標等寇境專

以雞山為事逃山難民多被殺傷至二十九日始絕跡此

次人民陣亡者十人王毛姐楊萬年張聚年史盡安張小倫王太和程二林李三馮信陳海林

殉難者二人張雲錦被害者十七人馬順焦福新焦思德魏平安張光華陳坤祝長發

張忠財張忠張學順張學成張學文張流婦女盡節者一妮王寅王狗羣李生遠史文俊張明德

人任福榮
妻蘇氏

同治五六年間山東土匪兩次寇境焚掠民間以上四節

節錄蘇志稿聞
見野史及採訪

河陰縣志卷十一

藝文考

古今以功德言爲不朽者三非此類也概無足取夫奮興
百世之風又安兆民之業此聖賢豪傑之所期許也至不
得已而以言見雖高文典冊永堯天壤要亦儒者之緒餘
耳且六經乃殘闕之本百家多摧燒之書其留遺至今者
百無一二况於文人學士淺根薄植雖有撰著又安能壽
媿金石乎讀歐陽子唐書藝文志送徐無黨南歸序諸篇
未嘗不歎書之凋零磨滅者不可勝數而勤一世以盡心
於文字爲可悲也河陰雖小代有賢哲遠者無論有明三

百年如任武崗杜世臣許本謙諸公莫不功在當時名垂
汗簡降至和氏維和氏春亦各著書立說能以文辭顯然
至求其遺編了不可得此皆一世間人猶泯泯若此彼劇
肝刺腎老死鄉里者其文字蕩爲飄風化爲灰燼又烏足
怪哉茲編所錄名存書佚者十居三四卽幸而僅存亦半
在若滅若沒之數可勝喟歎雖然拾遺訂墜抱殘守缺固
秉筆者之所有事也因纂錄之以備一格作藝文考

明

愚見記忘若干卷

和維撰見祥符志今佚

雪臺遺稿二十卷

和春撰見祥符志今佚

清

易經鈔存若干卷

程彬撰見蘇志稿並周志稿今佚

易經存稿若干卷

張利賓撰見周志稿今佚

鋤菴齋詩稿若干卷

李道生撰見蘇志稿並周志稿書未見

半峯詩草一卷

秦雲錦撰

秦氏宗約一卷

秦璠如撰

河陰忠節錄存稿若干卷

秦燦如撰

新心別館卽存六卷

王肇基撰

古文鈔存若干卷

王肇基撰見周志稿今佚

公餘叢吟若干卷

王肇基撰見周志稿今佚

聞見野史一卷

黃坤元著

課虛責有若干卷

秦阿灼撰

數學初基若干卷

秦阿灼撰

河陰志稿十五卷

蘇鵬翥撰

蘇子羽年譜一卷

蘇鵬書自撰

蘇氏雜著二卷

蘇鵬書撰

鵠字解謬錄二卷

蘇鵬書撰

事物逢源二卷

蘇鵬書撰

大學圖

張廷功撰

孟氏問見錄一卷

孟昭慶著

案漢班固藝文專載書目不收文字分類別流綴以品題最爲高雅隋唐以下史志雖詳畧不同而體例弗改推之方志義亦如之惟汪梅村江甯府志以金石併入藝文武虛谷安陽志以藝文列於金石洪常甫鄆陵志變藝文之目而以金石經籍附於麗藻之後推求其故大都以藝文繁簡爲分合先後之義今河陰碑版駢羅蔚成大國典籍失墜降如邾莒似不能不先金石而後藝文雖然金石者所以左右藝文而不能以金石賅藝文譬諸東周雖衰猶爲共主如有王者可起而振

之不宜夷於附庸屈居金石之下惟前代之書今已散佚無由稱引近世作者其得失又人所易見固無待纂述者之斷斷矣

